

## 2 TIMOTEO

### Paulo Ovoli Ɔyade Kĩ Ɖtsɛɛ Ɖma Timoteo

<sup>I</sup> Ovoli kīi to yī, Paulo, kī fɔtsɛ Baguma kawɛ sū ĩnye Kristo Yesu fɔtɔ ɔnyanɛ a sekɛ. Bido yī kī nde letsā nɛ nkpā a kī beɛ biyi kī budeĩ nɛ boe Ɖlate Kristo Yesu sekɛ, mɔ bɔmɔ ye ɔmɔa kakɛna a kamɛ.

<sup>II</sup> Matsɛɛ mma yī obi Timoteo kī maátunɔ ye kalɛ. Baguma boe Ɖɛga mɔ boe Ɖlate Kristo Yesu bɛmɔ nɔ kɔnya, beɛna nɔ sɛmɛ kalɛ, beɛpa nɔ lukudo lemɛ.

#### *Dza Pintii Nɛ Katekado a Akū.*

<sup>III</sup> Manyɛ Baguma a kī masum mɔ ɔwɔɛ kamɛ kpalɛwa ndɛ ayekī boe bawanyɔ kakɛna a kɔɛ. Ntɛ mabɔa mpɛɛ makai nɔ daa. Manyɛ ye kɔɛ lenyɛ mɔ suwa ntɛ nkai nɔ nɛ yī mpɛɛbɔ kamɛ.

<sup>IV</sup> Mate anɛ nɛ nɔ babe a akū, ade mawɛ kī mbuki mmó nɔ ayekī kawɔɛ aade yī. <sup>V</sup> Mate anɛ nɛ nɔ katekado wī a kī odeĩ a akū. Ade katekado kī kɛna nɛ nɔ ɔwatsɔ Lois mɔ ama Eunike amɛ kamɛ a. Mate kado kī ade ke odu nɔ malo odeĩ a.

<sup>VI</sup> Nɛ fukī sū makai nɔ kī pi futetsa a kī Baguma kpa nɔ nɛ lɔkɔ a kī nte awɛ nɛ nɔ akū a kɔɔba.

<sup>VII</sup> Kitonekī Hūhū a kī Baguma kpa boe a láfɔ bɔavila, mbom ye Hūhū a afɔ kɔbɛ awo nɛ boe kamɛ, kawɛ bati kalɛ, kapuli kanya boe akū.

<sup>VIII</sup> Foesū tafɔ kɔnyɔã lɔkɔ nɔ nɛ boe Ɖlate fɔletsɛ kalɛ kamɛ, ĩye kɔnyɔã lɔkɔ nɔ nɛ yī kī nwaa kɔla nɛ Kristo sū. Mbom nɔ malo dza

kɔɔba ne lubo kamo kame, ne boe ɔlate Kale Wī a sū, nde ayekī Baguma kpa no kɔbē kī kena a. **X** Baguma lekpa boe nkpā eve boe kī bɔnya ye bade. Nné ayekī bɔfeta sū, mbom fɔnye ye mɔawe nhihie mɔ kɔnyakamo a kī edeī ekpa boe a sū. Ekpa boe kɔnyakamo kī ɛtsāmena boe ɔlate Kristo Yesu akū, fɔmo katinya yi kayo. **X** Leme finyaakī ni, Baguma nye foe kanya etsa boe pefee fɔtsā boe ɔtene Kristo Yesu kaya kame. Ade ye lewɔla wuda kɔbē a. ɛtsā Kale Wī a akū etsa boe nkpā a kī ebuki elá kawūna dadaada a osi a. **XI** Baguma pau yī nde fɔto ɔnyane, mɔ fɔtsa ɔtsane kī nde letsā ne Kale Wī a akū. **XII** Ade fukī sū mamɔ lubo kī a. Leme konyɔā lako yī, kitonekī ĩnyina oti a kī ye nte ndo. Ade ĩnyina kī yaapuli edāmena letsa a kī ekɔa edo ne yī awe kenaawo Luwi nkae a akū.

**XIII** Pi ɔnɔkɔali fɔletsa a kī ntsa no a kale mɔ ɔsī mɔ ɔsī fɔkena letsa kī de liti otomena. Na ne katekado kī mɔ ɔɔo a kī fɔnye boe fude ne ɔmɔa kakena mɔ Kristo Yesu kame pintii. **XIV** Baguma Hūhū kɔbē a kī kudeī ne boe kame a kudo no kɔbē, kapi fɔtsa wī a kī bekɔa bido ne no awe a kapi wī.

**XV** Onyina kī Asiafɔ bate badone a flee dzakū befɔne yī, ade ayea Figelo mɔ Hermogene leme dzakū a.

**XVI** Mawā Baguma kī emɔ Onesiforo mɔ ye tɔto kame bati kɔnya, kitonekī ekado yī ɔwɔle loko pii. Konyɔā tákɔ ye kī nwaa kɔla sū. **XVII** Kī esila ewo Roma a, ɛtsā emini ewe yī flee kenawo kī emó yī. **XVIII** Mawā Baguma kī emɔ ye kɔnya ne

Kadze Luwi a akũ. Ade nɔ mɔawɛ onyina pefee kabumɛna a kī ɛkpa yī nɛ Efeso a.

## II

### *Nya Oti Wī Kī Etomɔ Kristo Yesu.*

<sup>I</sup> Yī obi, do nɔ akũ kɔbɛ mɔ Baguma kɔnyakamɔ nɛ ɔmɔa kakɛna mɔ Kristo Yesu a kī ɛkpa boe a kamɛ. <sup>II</sup> Kɔa fɔtsa a kī onu kī ntsa nɛ adansifo pii anɛ kamɛ a kado nɛ bikī ɔtɛ odo kī baapuli bɛtsa bati bɛbã lɛmɛ a awɛ. <sup>III</sup> Do ɔwɔlɛ kamɔ lubo ndɛ sodzani wī kī ɛdzɛ ɛkpa Kristo Yesu. <sup>IV</sup> Sodzani kī ɛdzɛ nɛ ye adzuma akũ ni, yawɛ kī yakɛna fɔtsa fuwo ye lotɔ ɔnyanɛ anɛ, foesũ ɛlãado akũ nɛ adzuma kī enyɛ sodzafɔ adzuma kamɛ. <sup>V</sup> Ade ayea fɔmɔ atɛ owulanɛ aanya akũ ni, kɛnɛ kī ɛkɛna nɛ atɛ kalo mbla akũ. <sup>VI</sup> Okuani kī yanɛ kɔba mɔ ɔsī mɔ ɔsī ni, ade ye anya lotɔ kanya funitsã a kī fubo a. <sup>VII</sup> Kɔna fɔtsa a kī mbi nɔ a akũ, kitonɛkī boe ɔlate aabumɔ nɔ onu foe flee kayɔ.

<sup>VIII</sup> Te anɛ nɛ Yesu Kristo kī enyɛ Lɛgã Dawid kasinu obi a kī Baguma dzɛla ye etomɛna banɔkpa kamɛ a akũ ndɛ ayekī bɛtsa a. Ade foe nyɛ Kalɛ Wī a kī madɛ letsã nɛ ke akũ a. <sup>IX</sup> Ade Kalɛ Wī a kī malɛ a sũ nlamɛna lubo kamɔ, ade ke bido yī nɛ nkɔsɔnkɔsɔ kamɛ ndɛ oti kī efum a. Lɛmɛ Baguma kalɛ kɔ bɛtãdo ke nkɔsɔnkɔsɔ! <sup>X</sup> Nɛ fukī sũ mado ɔwɔlɛ kamɔ lubo nɛ letsa nyɛ letsa kamɛ nɛ Baguma bati a kī ɛpau a sũ, ayekī nɛ Kristo Yesu akũ bɛ malo baana katɛ mɔ kawɔlɛ nkɔpã a kī ɛla kawũna a.

<sup>XI</sup> Fukī nyɛ ɔnɔkɔali fɔletsã kī balɛ,

“Nte buku mo boe ɔlate ni,  
bóadzi nkpã lɛmɛ mo ye.

XII Nte budo ɔwɔle bómó lubo ni,  
bóanya legã lɛmɛ mo ye.

Ade nte busĩ ye ni,  
ye malo yaasĩ boe.

XIII Nte boe boákɛna nɛ boe katekado akũ malo  
ni,  
ye kũ yakɛna nɛ ye kalɛ akũ daa,  
kitonɛkĩ eláapuli esĩ ye akũ da.”

*Pi Nɔ Akũ Kapi Wĩ Ayekĩ Baguma Aatsa Nɔ  
Legãbɔɛ.*

XIV Te bati a foletsã kĩ anɛ, lɔkɔa kasi be  
mbla nɛ Baguma anɛ kĩ betakavɛle foletsã, ki-  
tonɛkĩ nfaso adima leláa foe kamɛ, mbom kabula  
foabula bati a kĩ batse foe a katekado kade.  
XV Bɔa mbɔdi kakɛna adzuma mo ɔsĩ mo ɔsĩ  
ayekĩ fɔawo Baguma anɛ. Kɛna adzuma ndɛ  
oti kĩ ye adzuma lákɔ ye kɔnyɔã mbom yatsa  
Baguma ɔnokɔali kalɛ a pɛpɛɛɛ.

XVI Tado nɔ akũ nɛ kɔlɔmena kĩ foátsã Baguma  
kavila kamɛ, kitonɛkĩ foakpã bati kanelitimena  
nɛ Baguma akũ. XVII Fɔtsã katsã a na la ndɛ  
kaakpa kĩ kasa kaba sukɛna. Bati nviã kĩ betsa  
foe odu nyɛ Himenaio mo Fileto. XVIII Bimuniki  
nɛ ɔnokɔali osi a akũ, ade badani batɛ badonɛ  
a badi katekado a. Bɛkatsã fɔtsã kĩ banɔkpa  
kabuki kayidza kadzi nkpã ya ketɛ kɔkɔɛ.  
XIX Lɛmɛ, Baguma kɔla kayɔkayi litekũ a kĩ eke  
a ni, letsama leláapuli likuna de. Ade kayɔkayi  
litekũ kĩ akũ betɛle foletsã kĩ kĩ, “Boe ɔlate  
nyina bikĩ benye ye bade a.” ade “Odi nyɛ odi kĩ

yale kī enye boe ɔlate a ode ni, kene kī emuniki ne tokpa liti.”

**XX** Ne toto kpale kame ni, fɔɔɔaɛ mo titsensi kumekume deĩ. Fudi nye sika ngbã fude, fudi leme nye sika ovoe fude. Ade fudi leme nye tite ãye titse fude a. Bekɔa fukĩ fudeĩ kɔya biyi bekpa fuwi titiliwu kanya, ade bekɔa fɔɔɔbã biyi bekpa luwi daa akũ a. **XXI** Foesũ nte oti odi vɔle ye akũ ekena ye akũ yedede, ene ne tokpa kame ni, yaanya adzuma titiliwu ɔkenane kitonekĩ bekpale ye akũ ade edeĩ nfaso ekpa boe ɔlate a.

**XXII** Takɔa no akũ ɔkpa fɔwetsa kpa a kī foe kakena ako bapopo odo. Pili katekado, nkpã wĩ kadzi, mo bati kawɛ. Mimo bati a mikena fukĩ mo kadzi ne lukudo kame, mibɔa mpaɛ mivã boe ɔlate kabumena mo ɔwɔle kame yedede.

**XXIII** Tado onukpẽ ne foletsã kavele kī nyansã lelãa foe kame. No moawe a onyina kī foletsã kavele naa bame ayamɔ ɔdze. **XXIV** Ketãne kī boe ɔlate ɔsumune akena ɔdze, mbom kene kī ekena seme kale ekpa odi nye odi, enya fɔtsã ɔtsane wĩ kī edeĩ ɔwɔle bɔɛɛ ekpa bikĩ bideĩ ɔsĩ a. **XXV** Ade ke kene kī ekɔa ɔwɔle bɔɛɛ ekaanye foletsã kame katsa bati a kī biyidza bedza ne kale wĩ a akũ a. ɔsa Baguma aafɔ bedani towɔle kame lokɔa beyaanyi ɔnokɔali kale a. **XXVI** Ne foe kame a, be adzuni kame aabinya lokɔa bene ne Abonsam kpeĩ kī beto a, kī ekɔa be ekena ye fɔwetsã bakenane a kame.

### III

*Bati Aasĩ Baguma Ne Fuwi Nkaɛ a Kame.*

<sup>I</sup> Te ane kī ne fuwi nkaε kame ni, kadzi kame aana ɔsī. <sup>II</sup> Bati aawe be odi kale fotsa bawene, bena sika anengbā, bekabɔa tɔwɔle, bekapia akū. Baanya bati kī be akū awo be ane, kī bavūna bati, kī baákɔa obu kakpa be bamanε. Baanya bati kī baáyi bati aye, mɔ bikī belá katekado. <sup>III</sup> Baanya bati kī bideī seme ɔnye, bikī baámɔ bati kɔnya, bikī bama fovā kate ne bati akū, mɔ bikī baápuli kanya be mɔawe akū. Baanya bati kī bideī aūkani, baáwe kī bakena tuwī. <sup>IV</sup> Ade badi leme aanya bati liti osi batsāne, bati kī baakena fotsa kī badela be akū ne ode, mɔ bikī bawe katinya kame kawɔle kamɔ fotsa kaba Baguma kawε. <sup>V</sup> Bati kī odu aakena be akū nde bati wī, leme baasī Baguma kɔbē a kī kóakpa be nkpā wī kadzi a. Vele akū ne bati kī odu ɔwē.

<sup>VI</sup> Bati kī odu kame badi atsā ne bati tɔtɔ kame kake batsole kī baápuli kapi be adzuni. Be titikpa kī odu kakena fō batsole a kakɔna láwa kpī ade bitomɔ fɔwetsa pii liti a. <sup>VII</sup> Batsole kī odu akɔle fotsa vɔē luwi daa leme baápuli binu ɔnokɔali a kayɔ. <sup>VIII</sup> Nde ayekī Yane mɔ Yambi yidza bedza ne Mose akū a, ade aye fotsa batsane kī leme yidza bedza ne ɔnokɔali a akū a. Be tɔkpa kakena bula be adzuni kade, ade beyela be katekado leme a. <sup>IX</sup> Leme bati kī leláanaa lɔtɔ mɔ foe kakena, kitonekī be fudzimbisa a ane fowa odi nye odi lemɔ. Ade aye pɛpɛpɛ fɔya ne Yane mɔ Yambi akū a.

*Paulo Kpa Kɔde Nkaε.*

<sup>X</sup> Leme nɔ kō otomɔ yī fotsa katsa, yī obla, yī kakɔna mɔ yī katekado, yī bati kale kawε, yī ɔwɔle bɔεε kana mɔ yī ɔwɔle kado ne lubo kamɔ

kame. **XI** Onyina ayekĩ bitomɔ yĩ liti, bemona yĩ lubo ne Antiokia, Ikonio mɔ Listra, mɔ bati liti katomena pii a kĩ mpuli ndza ne foe kame a. Leme boe ɔlate nye yĩ ne foe flee kame.

**XII** Ɔnokɔali fɔane kĩ, odi nye odi kĩ yawe kĩ yadzi nkpã wĩ ne ɔmɔa kakena ne Kristo Yesu kame ni, baatomɔ ye liti. **XIII** Leme bati kpa mɔ bati bakene kɔ ni, be tɔkpa aakade ne ode kaba, ade baakake bati, bati bebã leme leke be a. **XIV** Leme nɔ kɔ ni, pi ɔnokɔali fɔtsa a kĩ betsa nɔ, kĩ ɔte odo leme a kadomɔ akũ, kitonekĩ onyina bati a kĩ be sekẽ ɔkolɛ foe otomena. **XV** Kito ane nɔ tibisẽ kame kĩ betsa nɔ Katsɛle Kpalɛwa a kame fɔletsa, kĩ fɔkpa nɔ kadikanyi a kĩ fɔakpa nɔ nkpã nte ɔte Kristo Yesu odo.

**XVI** Baguma kɔbẽ liwo ne bati kame kĩ betsele Katsɛle Kpalɛwa a kame fɔletsa, foesũ fɔnene fɔkpa fɔtsa katsa, oti ane kakã, kɔde kakpa, mɔ oti kavele kakpa nkpã wĩ kadzi. **XVII** Betsele foe ayekĩ odi nye odi kĩ yasum Baguma ni, yaakpɔla, epuli ena ne kukũmanɛ kame ekpa fɔtsa wĩ fudi nye fudi kakena.

## IV

**I** Ndzẽ ne Baguma mɔ Kristo Yesu kĩ yayadzɛmɔ batidziwa mɔ banɔkpa, mɔ ye a kĩ yayanya akũ nde legã aye a ane kame, makpa nɔ kɔde mɔ ɔsĩ mɔ ɔsĩ kĩ, **II** nte odeĩ aya ãye ɔtána aya malo ni, bɔa mbɔdi kade letsã ne fɔletsa wĩ a akũ. Dã kĩ atsa bati a fɔtsa, kakã be ane lɔkɔa kakaado be kɔbẽ. Na ɔwɔle bɔɛɛ kanye fɔletsa kayɔ katsa bati ne fukĩ flee kakena kame. Tafɔ fɔtsa katsa leme. **III** Kitonekĩ lɔko lidi aaya kĩ

bati leláabuki bitse fotsa katsa wĩ kĩĩ a. Mbom baatomena be mɔawɛ fɔwɛtsa, ade baawɛ fotsa batsanɛ bebã kĩ baabi be fotsa a kĩ akũ asĩ be kĩ binu a. <sup>IV</sup> Beláawɛ kĩ batse ɔnɔkɔali kale a, mbom baayi atɔ bitse fɔletsa mewa. <sup>V</sup> Lemɛ nɔ kɔ̃ kenɛ kĩ api nɔ akũ nɛ letsa nyɛ letsa kame, kaado ɔwɔlɛ nɛ lubo lidi nyɛ lidi kame. Kena Kale Wĩ a ɔlenɛ kawũna ndɛ Baguma ɔsumunɛ aye.

<sup>VI</sup> Yĩ kɔ̃ ni, lɔkɔ kpɔla liyua kĩ baakɔa yĩ bebɔa ndɛ afɔliɛ bekpa Baguma, ade lɔkɔ lemɛ wo ɔtɔ kĩ manɛ nɛ katinya kĩĩ kame a. <sup>VII</sup> Nvũ lema wĩ a kavũ wĩ, nlo atɛ a flee ãyua ade mpini yĩ katekado a nɛ Kristo kame mɔ ɔsĩ mɔ ɔsĩ a. <sup>VIII</sup> Ade kito finyaa ni, futetsa wĩ a kĩ bakpa akũ banyanɛ nɛ nkpã wĩ kadzi kame a adzɔlɛ yĩ. Ade futetsa kĩĩ boe ɔlate kĩ enyɛ fɔletsa ɔdzɛnɛ wĩ a, aakɔa ɛkpa yĩ nɛ luwi nkaɛ a akũ a. Ade ke nné yĩ odi keĩ aatɛ de, mbom mɔ bati flee a kĩ bidzi nɛ ɔdɔ kame badã boe ɔlate kabu kaya a anɛ.

### *Wɛ Sɔwa Kayaamɔ Yĩ.*

<sup>IX</sup> Bɔa mbɔdi kaya nɛ yĩ sɛkɛ mɔatɛ, <sup>X</sup> kitonekĩ Dema dzakũ ɛfɔnɛ yĩ, ɛnɛ etomɛna katinya kame fotsa kawɛ liti nɛ Tesalonika. Kreske dzakũ ɛnaa Galatia, ade Tito lemɛ naa Dalmatia a. <sup>XI</sup> Luka odi lite nɛ yĩ sɛkɛ. Kpã Marko kayamɛna kitonekĩ yaanya obumenanɛ paa ɛkpa yĩ nɛ adzuma a kame. <sup>XII</sup> Ndo Tihiko ɛnaa Efeso. <sup>XIII</sup> Ntɛ aya ni, bɔɛ yĩ osili atadiɛ wulaa a kĩ nkɔa ãyi nɛ Karpo sɛkɛ nɛ Troa kama yĩ. Bɔɛ yĩ tuvoli lemɛ, titiliwu tikĩ bekɛna mɔ ɔyɛ ovoli a kayamɛna.

<sup>XIV</sup> Aleksandro kĩ enyɛ otumfɔ a kɛna yĩ fɔlɔwɔtsa paa. Boe ɔlate aase ye letsa kĩ ɛkɛna

yĩ a koto. <sup>XV</sup> Foesũ dã nõ akũ kadã wĩ ne ye akũ, kitonekĩ eyidza edza ne fotsa a kĩ boatsa a akũ mọ osĩ mọ osĩ.

<sup>XVI</sup> Kĩ benya lotọ bekpã yĩ benamena foletsa odzene ane a, odima tátomọ yĩ, be flee bilo befone yĩ. Leme mawã Baguma kĩ etase be foe koto. <sup>XVII</sup> Leme boe Ọlate dza ne yĩ liti, edo yĩ kobẽ efõ mpuli nle ye Kale Wĩ a nkpa bikĩ benyẽ Yudafọ a ne awã, ade enye yĩ etomena wuda awe kame a. <sup>XVIII</sup> Boe Ọlate aanye yĩ etomena tokpa tidi nye tidi kame, ade yaakpã yĩ bọee bọee nnaawo ne ode legākanyakõ a kame a. Kamu mọ kukũkpale boakpa Baguma kito finyaa kanaa daa daa. Fọya lomo.

### *Makla Mi a Flee.*

<sup>XIX</sup> Mawõna Priska mọ Akwila, mọ Onesiforo toto kame bati a flee. <sup>XX</sup> Erasto kahọ ne Korinto ade nfone Trofimo kĩ yasọ awe ne Mileto a. <sup>XXI</sup> Bọa mbodi kĩ ayawo yĩ sekẽ ne awĩ fomọ osili loko aawo oto. Eubolo, Pude, Lino, Klaudia, mọ bate badone, batsole mọ banyole, flee awõna nõ!

<sup>XXII</sup> Boe Ọlate enamọ nõ hũhũ. Baguma emọ mi konya.

**Baguma Apam Vɔɛ a Tuwuli**  
**Tuwuli: Baguma Apam Vɔɛ a Tuwuli New Testament**  
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022

68df0193-2981-5275-8994-8f743fe01e5e